



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-478-5/21**
Datum: **06.05.2022. godine**

„Agencija za vodno područje rijeke Save“ Sarajevo rješavajući po zahtjevu „SANITEKS“ d.d. Velika Kladuša, za izdavanje vodne dozvole za ispuštanje tehnoloških otpadnih voda sa lokacije kompleksa pogona za proizvodnju sanitetskog materijala sa pratećim sadržajima, izgrađenog u ulici Tone Hrovata broj 2., općina Velika Kladuša na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. Zakona o upravnom postupku („Službene novine Federacije BiH“, broj 2/98 i 48/99), donosi:

R J E Š E N J E **o vodnoj dozvoli**

1. Daje se vodna dozvola pravnom licu „SANITEKS“ d.d. Velika Kladuša, za ispuštanje tehnoloških otpadnih voda na lokaciji pogona za proizvodnju sanitetskog materijala sa pratećim sadržajima, izgrađenog u ulici Tone Hrovata broj 2. u Velikoj Kladuši.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede vodoprivrede i šumarstva Unsko-sanskog kantona, u skladu sa članom 139. stav 2. tačka 1. i 2. Zakona o vodama.
3. Rješenje o vodnoj dozvoli se donosi na osnovu činjeničnog stanja utvrđenog pregledom dostavljenje dokumentacije i izvršenim uviđajem na objektu, pod slijedećim uslovima:
 - 3.1. Da korisnik predmetnog objekta pogona za proizvodnju sanitetskog materijala sa pratećim sadržajima, isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole.
 - 3.2. Da u roku važenja ovog rješenja, korisnik, „SANITEKS“ d.d. Velika Kladuša, izradi, reviduje i realizuje projektnu dokumentaciju (glavni projekt sa snimkom izvedenog stanja) vanjskog uređenja predmetnog lokaliteta sa tehničkim rješenjem sistema za prikupljanje, tretman i ispuštanje otpadnih voda iz objekta i sa lokacije predmetnog objekta pogona za izradu sanitetskog materijala sa pratećim sadržajima, na nivou glavnog projekta. Projektna dokumentacija treba biti urađena od strane projektne firme koja ima pribavljeno ovlaštenje od strane Federalnog ministarstva poljoprivrede, vodoprivrede i šumarstva (lista «A») u skladu sa Pravilnikom o uvjetima i kriterijima koje mora ispunjavati pravno lice za izradu dokumentacije na osnovu koje se izdaje vodni akt („Službene novine Federacije BiH“, broj 17/08 i 38/12).

Projektna dokumentacija pored općih uvjeta treba da obradi sva pitanja definisana članom 5. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19 i 41/20) koja su bitna za konkretan slučaj, a naročito:

- detaljan prikaz tehnološkog procesa u svim pogonima koji obavljaju proizvodnju (priprema, tkanje, bjeliona, izrada gipsanih zavoja,) sa osvrtom na upotrebu vode i hemikalija; prema dostavljenom dijelu postojeće projektne tj. tehničke dokumentacije i to: tkaona, dorada, bjeliona, sterilni pogon, gipsani zavoji, kotlovnica i rezervoar mazuta, gdje se obavljaju poslovne aktivnosti;
 - proračun količina tehnološke otpadne vode koja nastaje na prostorima pojedinih pogona, tehničko rješenje njihovog prečišćavanja sa svim potrebnim proračunima i tehničkim opisom u odnosu na postojeće stanje;
 - način skladištenja i zbrinjavanja opasnih materija i drugog otpada, kao i prateće ambalaže (škrob, mazut, tenzidi, kiseline, lužine, i slično.);
 - prikaz proizvodnje vodene pare u prostoru kotlovnice sa transportom do pojedinih pogona te povratom iste u prostor kotlovnice sa mogućim gubicima u vidu kondenza i slično;
 - situacioni prikaz izvedenog stanja internih saobraćajnih i manipulativnih površina sa oivičenjima te prikaz svih hidrotehničkih objekata i instalacija na lokaciji. Za izradu istog je potrebno uraditi geodetski snimak postojećeg stanja na katastarskoj podlozi;
 - detaljno prikazati nastanak otpadnih tehnoloških voda po pogonima sa proračunom količina, svojstvima otpadnih voda te mjestima ispusta u kolektor javnog gradskog kanalizacionog sistema;
 - kvalitet tehnoloških otpadnih voda prije ispuštanja u recipijent, mora zadovoljiti granične vrijednosti emisije definisane članovima 13., 14., i 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20);
 - u projektu je potrebno definirati položaj objekta u odnosu na zone sanitarne zaštite izvorišta vode za piće, te sagledati sve moguće neželjene uticaje na planirani objekt i planiranog objekta na druge objekte i postrojenja, sa osvrtom na uticaje na susjedne parcele i stečena prava korisnika, postojeću infrastrukturu, naselja i slično, te dati prijedlog mjera sa tehničkim rješenjem za sprečavanje tih uticaja;
- 3.3. Opasni materijal i otpad, kako u toku izvođenja radova tako i u toku rada pogona ne smije se ni privremeno odlagati na česticu «vodno dobro», odnosno u vodotok i na njegove obale.
 - 3.4. Da se sa opasnim i štetnim materijama (kiseline i lužine, tenzidi, i sl.) postupa savjesno pri skladištenju, transportu i pretovaru kako ne bi došlo do štetnih posljedica po tlo i vode, uslijed prosipanja istih.
 - 3.5. Ambalažu onečišćenu tenzidima, kiselinama i slično zbrinjavati u skladu sa propisima o zaštiti okoliša. Sve otpadne materije privremeno skladištiti u odgovarajućim posudama i kontejnerima, koji onemogućuju prosipanje sadržaja i degradaciju tla.
 4. Vlasnik, odnosno korisnik objekta je obavezan vršiti plaćanje vodne naknade u skladu sa Zakonom o vodama i Pravilnikom o načinu obračunavanja, postupku i rokovima za obračunavanje, plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12).
 5. U periodu važenja ove dozvole, korisnik postrojenja za proizvodnju sanitetskog materijala sa pratećim sadržajima je dužan ispoštovati sve mjere i aktivnosti propisane istom.
 6. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 8. Vlasnik, odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret.

9. Ova vodna dozvola, shodno članu 117. stav (1) Zakona o vodama („Službene novine Federacije BiH“, broj 70/06) se daje sa rokom važenja od **1 (jedne) godine**, od dana pravosnažnosti ovog rješenja.
10. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. „Zakona o vodama“, a zainteresirane stranke podnesu argumentiran zahtjev za izmjenu ovog vodnog akta.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole
12. Uslov za izdavanje nove vodne dozvole je ispunjenje uslova iz dispozitiva ovog Rješenja.

O b r a z l o ž e n j e

Pravno lice „SANITEKS“ d.d. Velika Kladuša, obratilo se ovoj Agenciji dana 11.10.2021. godine sa zahtjevom za izdavanje vodne dozvole za ispuštanje tehnoloških otpadnih voda sa lokacije pogona za proizvodnju sanitetskog materijala sa pratećim sadržajima, izgrađenog u ulici Tone Hrovata broj 2. u Velikoj Kladuši.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Ovjereni kopiji Rješenja o izmjenama podataka iz sudskog registra, izdano pod brojem: 017-0-Reg-21-000310 dana 15.06.2021. godine, od strane Općinskog suda u Bihaću,
- Ovjereni kopiji Uvjerenja o poreznoj registraciji, izdano dana 28.04.2004. godine, od strane Federalnog ministarstva finansija, Porezne uprave Federacije BiH – Kantonalni ured BIHAĆ,
- Ovjereni kopiji Uvjerenja o registraciji/upisu u Jedinostveni registar obveznika indirektnih poreza, izdano od strane Uprave za indirektno-neizravno oporezivanje Banjaluka, broj 04/1-17-1-UPJR/1-5254-2/12, dana 29.10.2012. godine, u Banjaluci,
- Ovjereni kopiji Uvjerenja o registraciji obveznika poreza na dodanu vrijednost, izdano od strane Uprave za indirektno – neizravno oporezivanje Banjaluka pod brojem 04/5-1/I-17-1035-1412/05, dana 11.12.2005. godine,
- Kopija uplatnice upravne pristojbe i federalna administrativna taksa,
- Kopija Rješenja o vodnoj dozvoli za ispuštanje tehnoloških otpadnih voda iz objekta za proizvodnju sanitetsko tekstilnog materijala sa pratećim sadržajima izgrađene na lokalitetu na području općine Velika Kladuša u ulici Tone Hrovata br. 2, općina Velika Kladuša, izgrađene na zemljištu označenom kao k.č. broj: 1184/12, 1184/13, 1184/14, 1185/7, 1185/8, 1184/15, 1184/9, 1185/9, 1185/5, 1185/1, 1185/2, 1185/3, 1185/6, 1184/3 K.O. Velika Kladuša, općina Velika Kladuša; izdano od strane Agencije za vodno područje rijeke Save pod brojem UP-I/25-3-40-327-8/18, dana 09.10.2018. godine,
- Izvještaji o ispitivanju vode broj: 1590/21, 11863/20 i 11862/20, urađeni od strane Zavoda za javno zdravstvo USK Bihać,
- Izvještaj o obračunu broja EBS za 03.2022. godine,
- Tehnička specifikacija za vodikov peroksid broj 07/17,
- Molba za produženje roka za dopunu zahtjeva, broj: 01-262/21, od 24.12.2021. godine,
- Rješenja kojim se odobrava izgradnja pojedinih pogona i zgrada poslovno-proizvodnog kompleksa „SANITEKS“ Vel. Kladuša (Arhiv AVP Sava prethodno izdatog vodnog akta – Vodne dozvole broj: UP-I/25-3-40-327-8/18 od 09.10.2018. godine,
- Kopija Rješenja, kojim se odobrava investitoru industrijskog preduzeća za proizvodnju sanitetskog materijala u Vel. Kladuši uža lokacija za izgradnju tvorničke zgrade sa pratećim objektima i prilaznim putem na k.č. 1184/3, 1120/19, 1187/33, 1119/20, 1183/13, 1183/3, 1183/1, 1183/14, 1184/7, 1184/8, 1184/10, 1184/2, 1184/9, 1184/15, 1184/12, 1184/13, 1185/1, 1185/3, 1185/4, 1185/7 i 1185/8 KO Velika Kladuša; izdano od strane Sreza Bihać Narodnog odbora Opštine Velika Kladuša Narodne Republike Bosne i Hercegovine pod: VL-Broj: 04/1-13/1-59, dana 16.02.1959. godine,
- Kopija Rješenja, kojim se odobrava RC „SANITEKS“ U Vel. Kladuši UPOTREBA objekta FIP-a II, i nastrešnice za kompresorsku stanicu izgrađene u krugu RO „Saniteks“ u Vel. Kladuši; izdano od strane Opštinske komisije za prostorno uređenje, stambeno-komunalne, katastarsko-

- geodetske i imovinsko pravne poslove Skupštine Opštine Velika Kladuša pod brojem 04/1-361-360/84, dana 29.12.1984. godine, u Velikoj Kladuši,
- Kopija Rješenja, kojim se odobrava glavni projekat /prvi dio/ za građevinski objekat Tvornica zavojnog materijala Vel. Kladuša – Proizvodni objekat sa garderobom; izdano od strane Komisije za reviziju projekata- SARAJEVO Sekretarijata za industriju i građevinarstvo Izvršnog Vijeća NRBiH pod brojem 13-3654-1/1959, dana 31.08.1959. godine,
 - Kopija Rješenja, kojim se odobrava RO „Saniteks“, OOUR-a „Društveni standard“ iz Velike Kladuše upotreba nadograđenog dijela objekta Društveni standard u Velikoj Kladuši; izdano od strane Sekretarijata za urbanizam i komunalne poslove Skupštine Opštine Velika Kladuša pod brojem 03/1-360-77/79, dana 22. oktobra 1979. godine,
 - Kopija Rješenja, kojim se odobrava RO „Saniteks“ OOUR „Flasteri i plastike“ iz Vel. Kladuše da kao investitor može otpočeti sa upotrebom, odnosno korištenjem postrojenja za rekuperaciju otapala, pumpne stanice, betonskog bazena i rezervoara za benzin 2x50 m³ u sastavu OOUR-a „Flasteri i plastike“ po odobrenju za građenje 04/1-361-38/3 od 24.08.1983. godine; izdano od strane Opštinskog sekretarijata za urbanizam i imovinsko-prvne poslove Skupštine Opštine Velika Kladuša pod brojem 04/1-361-90/87, dana 15.04.1987. godine,
 - Kopija Rješenja, kojim se daje upotrebna dozvola D.D. „SANITEKS-u“ iz Velike Kladuše, za upotrebu pogona za proizvodnju sterilnih gaza, izgrađen u Velikoj Kladuši, Ulici 506. brigade bb, prema odobrenju za građenje broj: 05/1-23/2-165/03 od 19.09.2004. godine; izdano od strane Općinskog načelnika općine Velika Kladuša pod brojem 05/1-23/4-29/05, dana 31.08.2005. godine,
 - Kopija Rješenja o odobrenju za građenje, kojim se odobrava izgradnja pogona flastera Tvornici zavojnog materijala i pozamanterija „Saniteks“ Vel. Kladuša; izdano od strane Sekretarijata za privredu i finansije Skupštine Opštine Velika Kladuša pod: Up/I-broj: 03/5-974/2-69, dana 14.10.1969. godine,
 - Kopija Građevinske dozvole Tvornici zavojnog materijala „Saniteks“ u izgradnji iz Velike Kladuše da može izgraditi građevinski objekat – bjelionicu s tim da se molilac pridržava odobrenog plana i građevinsko tehničkih propisa i Uredbe o izgradnji investicionih objekata; izdana od strane Sreza Bihać Opštinske skupštine Opštine Velika Kladuša pod: VL. Broj: 03/6-470/4-63, dana 7. juna 1963. godine,
 - Kopija Rješenja, kojim se izdaje građevinska dozvola Narodnom Odboru Opštine Velika Kladuša za izgradnju tvornice sanitetskog zavojnog materijala u Velikoj Kladuši a prema odobrenom glavnom projektu za građevinske objekte: - proizvodni objekat, - garderobni dio i – kotlovnica; izdan od strane Sreza Bihać Narodnog Odbora Opštine Velika Kladuša pod: VI. Broj: 04/1-13/2-59, od 02.06.1960. godine,
 - Kopija Rješenja, kojim se odobrava RO „Saniteks“ u Vel. Kladuši da kao investitor može otpočeti sa upotrebom, odnosno korištenjem objekta skladišta sirovina izgrađenog u krugu RO „Saniteks“ u Velikoj Kladuši, a prema odobrenju za građenje br. 03/1-361-50/80 od 27.02.1980. godine; izdano od strane Opštinske komisije za prostorno uređenje, stambeno-komunalne, katastarsko-geodetske i imovinsko-pravne poslove Skupštine Opštine Velika Kladuša pod brojem 04/1-361-97/86, dana 14.05.1986. godine,
 - Kopija Rješenja, kojim se izdaje urbanistička saglasnost RO „SANITEKS“ Tvornici sanitetskog materijala iz Vel. Kladuše za izgradnju Tvornice predmaznih gips zavoja u krugu tvornice na parcelama označenim pod k.č. br. 1185/4, 1186/3, 1185/8 K.O. Vel. Kladuša; izdano od strane Sekretarijata za urbanizam i komunalne poslove Skupštine Opštine Velika Kladuša pod brojem 03/1-364-160/79, dana 12.06.1979. godine,
 - Kopija Rješenja, kojim se odobrava RO „Sanitex“, OOUR-a „Sanitex FISOH“ UPOTREBA izgrađenog objekta hale gips zavoja u krugu RO „Sanitex“ Velika Kladuša; izdano od strane Opštinske komisije za prostorno uređenje, stambeno-komunalne, katastarsko-geodetske i imovinsko-pravne poslove Skupštine Opštine Velika Kladuša pod brojem 04/1-361-232/84, dana 25.07.1984. godine.

Nakon izvršenog uvida u dostavljeni zahtjev i priloženu dokumentaciju utvrđeno je da je podnesak zahtjeva nepotpun te je podnosilac zahtjeva pismenim putem obavješten da isti dopuni. Na molbu

podnosioca zahtjeva istom je odobren produžetak roka za dopunu podneska zahtjeva. Nakon dopune podneska zahtjeva raspoloživom dokumentacijom, u skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata, izvršen je pregled izgrađenog pogona za proizvodnju sanitetskog materijala sa pratećim sadržajima, izgrađenog u ulici Tone Hrovata broj 2. pravnog lica „SANITEKS“ d.d. Velika Kladuša, i tom prilikom sačinjen zapisnik o uviđaju broj: UP-1/21-3-40-478-5/21 od 07.04.2022. godine pri čemu je utvrđeno:

Pogon za proizvodnju sanitetskog materijala sa pratećim sadržajima je izgrađen u ulici Tone Hrovata, u Velikoj Kladuši.

U krugu kompleksa su izgrađeni objekti: - objekt pripreme, - objekt tkaonice, - objekt bjelione (PTB – priprema – tkanje – bijeljenje), - objekt upravne zgrade, - objekt kotlovnice, - objekt gipsanih zavoja, - objekt sterilnog pogona, - objekt izrade flastera, - objekt za kartonažu, objekt skladišta gotove robe, dva objekta protirnica, objekt elektroradionica, rezervoar mazuta, objekt radionica, objekt skladišta rezervnih dijelova, objekt skladišta sirovina, objekt laboratorije, objekt pogona kozmetike, kolska vaga, objekt plinkse stanice, objekt pumpne stanice, prostor kondenzatora i komora smjesa, objekt vatrogasnog spremišta (od kojih se samo dio koristi za trenutnu proizvodnju dok postoje zalihe repromaterijala) te internih saobraćajnih i zelenih površina.

Na prostoru predmetnog pogona se vrši proizvodnja sanitetskog materijala. Proizvodni proces počinje dovozom pamučnih vlakana – prediva i drugih sirovina na prostor skladišta sirovina. Predivo se snuje na snovače valjke te se potom vrši škrobljenje na škroblilici. U procesu snovanja se ne koristi voda, dok se u procesu škrobljenja koristi voda za izradu otopine od škroba, koja se gubi u tehnološkom procesu (otopina škroba se nanosi na predivo radi ojačanja vlakna za tkanje). Vlakna ojačana škrobom se transportuju u pogon tkačnice na proces tkanja. Otkane gaze se prebacuju u pogon bjelione. Glavni proces se odvija u pogonu bjelione, tj. bijeljenje gaze. U pogonu bjelione su instalirane tri mašine: - vikl mašina za prematanje gaze, - HT aparat za bijeljenje gaze (princip rada sličan radu mašine za veš), - španram za sušenje gaze. Nakon sušenja gaze se transportuju u pogon finalizacije za izradu gotovih proizvoda (sterilnih i nesterilnih). Gotovi proizvodi se potom odlažu u prostor skladišta gotovih proizvoda. Sva potrebna ambalaža se proizvodi u pogonu grafika – štampanje i kartonizacija (etikete, kartonske kutije, složive kutije, i slično). U pogonu gipsani zavoji se vrši proizvodnja gipsanih zavoja. Voda se koristi u pogonu kotlovnice za proizvodnju vodene pare, koja se koristi u svim pogonima kao energent. Zagrijavanje vode se vrši kotlovima na mazut, koji se skladišti u nadzemni metalni spremnik kapaciteta 50 m³. Spremnik je smješten u AB tankvanu, kako bi se spriječilo eventualno iscurenje mazuta u okoliš.

Voda se koristi i u pogonu pripreme za proizvodnju škobne otopine, priključkom na javni gradski vodovodni sistem sa potrošnjom od cca 0,5 m³ sedmično.

Voda se koristi u pogonu bjeliona za hlađenje vikl mašine, koja se dalje transportuje do španram mašine za dodatno ispiranje gaze, nakon čega se ispušta u kolektor javnog gradskog kanalizacionog sistema u količini cca 2 m³/h sa španramom. Voda koja se ispušta u gradski kanalizacioni sistem sadrži čestice prljavštine, dijelove gaza, i slično.

Voda se koristi u HT aparatu za ispiranje i natapanje gaza. Na temperaturi od 40° C se vrši oslobađanje škroba. Zatim se podiže temperatura do 90° C uz dodavanje hemikalija za izbjeljivanje (vodikov peroksid H₂O₂ i tenzidi – sapuni i deterdžanti). Nakon izbjeljivanja se dodaje sirćetna kiselina CH₃COOH i natrijum hidroksid NaOH, za neutralizaciju kiseline te radi postizanja odgovarajuće pH vrijednosti vode prije ispuštanja u sistem gradske kanalizacione mreže (cca 50 %), dok se druga polovina vraća u tehnološki proces. Finalni proizvod ne smije da sadrži kiseline, lužine, tenzide, škrob niti bilo kakve primjese.

Voda se u pogonu gipsani zavoji koristi za hlađenje stroja za nanos gipsane podloge. Koristi se voda sa javnog gradskog vodovodnog sistema i procesna voda. Voda se vraća u proces proizvodnje vodene pare a višak se ispušta u gradski kanalizacioni sistem.

Dobava škroba, kiseline te tenzida se vrši u PVC kontejnerima i buradima, a lužine se dobavljaju u listićima kao čvrste materije.

Uvidom u akte o građenju, predmetni kompleks je izgrađen na zemljištu označenom kao k.č. broj: 1184/3, 1120/19, 1187/33, 1119/20, 1183/3, 1183/1, 1183/14, 1184/7, 1184/8, 1184/10, 1184/2, 1184/9, 1184/15, 1184/12, 1184/13, 1185/1, 1185/3 i 1185/4, K.O. Velika Kladuša (vjerovatno prema starom katastarskom operatu).

Uvidom na internet stranici geoportal.ba može se konstatirati da su objekti pogona izgrađeni za zemljištu označenom kao k.č. broj: 2038/1, 2038/2, 2038/3, 2038/4, 2038/5, 2038/6, 2038/7, 2038/8, 2038/9, 2038/10, 2038/11, 2038/12, 2038/13, 2038/14, 2038/15, 2038/16, 2038/17, 2038/18, 2038/19, 2038/20, 2038/21, 2038/22, 2040/1, 2040/2, 2040/3, 2040/4, 2040/5, 2040/6, 2041/1 i 2041/2, K.O. Velika Kladuša.

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom u dispozitivu ovog Rješenja, propisani uslovi u skladu sa odredbama Zakona o vodama, odredbama Uredbe o uslovima ispuštanja otpadnih voda u okoliš i sisteme javne kanalizacije i odredbama Pravilnika o sadržaju, obliku, uvjetima i načinu izdavanja i čuvanja vodnih akata.

Na osnovu provedenog postupka konstatuje se da je podnosilac zahtjeva, „SANITEKS“ d.d. Velika Kladuša, ispunio minimum uslova za izdavanje vodne dozvole te je riješeno kao u dispozitivu ovog rješenja..

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Fuad Mujagić, dipl. inž.

Po ovlaštenju
Rukovodilac sektora za izdavanje vodnih akata


Haris Ališehović, dipl. inž. građ.

Dostaviti:

- „SANITEKS“ d.d. Velika Kladuša, Tone Hrovata br. 2, 77 230 Velika Kladuša
- AVP Sava, ISV – Vodna knjiga
- Sektor 50
- Ⓒ Sektor 40, arhiva
- Oglasna ploča-AVP Sava